

近代中國史料叢刊第六十三輯
沈雲龍主編

清代七百名人物傳

蔡冠洛編

文海出版社
有限公司印行

敘

傳清代人物者。曰清史列傳。非顯官不加詳也。曰先正事略。不足取法。不予錄也。至貳臣逆臣忠義名將之作。並一姓之私言。惡諡美諡。區以別矣。碑傳集所收賅博。而少所甄擇。微病其雜。今之所輯。上自清初。下訖末季。不衷於一姓之私言。不囿於位望之尊卑。羅三百年之人物。揭藥其事功。學術。以待後人之評隲。名曰清代七百名入傳。初無劣義勝義之著也。余乙丙之交。蟄居滬市。遇艱處困。鈍塞勿施。來者無徵。斯文將喪。意戚戚以寡懽。目悁悁而不寐。輒披寶錄。稽之野乘。而成斯編。聊以遣憂。敢云載筆。知不足當大雅君子之一哂也。二十五年七月可園蔡冠洛。

清代七百名人傳凡例

一本書斷自清初迄於末季。凡二百六十餘年。共七百一十三人。諡曰名人傳。昭其德也。

二斷代爲史。本不涉及後代。惟明史列傳。歿於清初。志存勝國者。並多列入。今如其例。

三本書人物。各以類隸。類復分目。但就平生學行之最大最著者歸之。其有數類可歸者。先事功而後學問。先器識而後文藝。

四官階莫詳於官書。學術莫備於專籍。行事考信於野乘。德業記述於後編。其中取舍審正。輒費周章。凡事涉兩歧。有待證信者。概從闕疑。以俟補正。

五本書香輯。其學問事業光耀於當時。影響於後世者。采之。至一節之奇。一行之善。雖亦矜異。無關宏旨。概不列入。

六凡學問事業。未能獨樹一幟。而頗有繼承關係者。附於其所本者之傳後。

七本書編次。略以時代爲先後。

八本書附統計表六種。可作參究之用。

九官私著述。直筆可信。並多采綴。無事點竄。輒識於此。用申銘佩。

十倉皇涉筆。恆多疏略。乖舛之處。定不能免。尙望海內鴻碩。指而正之。

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



清代七百名人傳補編

陸軍

蕭陞高

蕭陞高字榮階。長沙湘潭人。曾祖世光。以儒術顯。祖仕南。父廷昌。明恕好施。陞高兄弟五人。次居三。狀特魁偉。讀書日千言。通大誼。會太平天國之難。乃棄書習騎射。能于馬上奪矛槊。舉百鈞。行及奔馬。年十五。投身王珍營中。卽後所謂老湘營者也。初入門。吏以其年少。不遽通。陞高且晉且奮。珍出見而奇之。延入上坐。與語大說。遂拔百長。從討賓川。斃敵二千餘。敘功獎五品。餘敵遁還恭城。復陷東安。珍會諸軍夾檄。寇勢不支。突圍出。竄四明山。山介祁邵閩。勢崎嶇。諸將莫敢深入。陞高毅然請往。厝火叢莽中。因風蒸之。敵驚走。一鼓悉禽。自是珍任陞高益重。廣東敵陷郴桂江華。湖南上游各州縣。均岌岌不自保。巡撫駱秉章檄珍軍赴援。陞高別募新軍。會師衡州。冒雪力戰。諸城以次克復。時咸豐五年也。事聞。保千總。並賞藍翎。其後敵攻長沙。趨武昌。沿江皆敵壘。陞高從珍軍出境征勦。復通城。保守備。進勦吉安。敵據水東爲壘。援衆數萬。勢張甚。陞高力戰。大破之。擢都司。珍病卒。左宗棠檄陞高入浙。一見敬禮。曰。璞山之言不誣也。璞山者。珍字。四明山之役。珍嘗語以戰績。至此故云然耳。遂督楚軍。隨宗棠迭戰。蘭溪龍游。克復壽昌。保游擊。同治二年。左軍援江西。克復樂安宜崇。三年。入閩境。追剿漳州龍岩敵。陞高功皆最。詔以參將卽補。賞花翎。五年。攻藍田黃嶺。克之。保副將。賜紫玉翎管。七年。兼統甌江水師。節制樂標。時溫屬土匪倚山爲巢穴。焚掠居民。出沒無常。有司莫敢誰何。陞高曰。不入虎穴。焉得虎子。募壯士三百人。伏山下。躬帥數人。陽誘之出。伏發。禽首匪潘茂等五人。誅之。餘各爲獸散。地方賴以安堵。旋因事乞歸。丁父喪。服除。宗棠招赴陝甘。至卽奏統剛毅軍。兼辦軍儲。時回匪已陷巴燕戎格河州。蔓延關內外。湘軍士卒苦戰久。思休息。陞高慨然誓師。激以忠義。士氣百倍。諸將中如劉錦棠劉松山郭松林等。亦因之感奮。遂分道出師。卒成大功。宗棠班

師以陞高功最入奏。詔擢總兵。加提督銜。給勇號。予三代一品封典。賞穿黃馬褂。賜緇料班指。光緒五年三月。得旨。署河州鎮總兵。履任甫九月。以母老引去。然治軍有紀。河州士民德之。于其行。爲立石述其績。八年。宗棠移督兩江。強起之。委辦善後機器火藥工程各局。不兩月。復乞歸。宗棠疑其不樂小就。擬奏請巡視長江水師。終不願。竟歸。歸二十年。以疾卒于里第。年六十有一。其治軍大抵寬猛相濟。故士皆用命。所至有功。性孝友。父嘗患瘍。劇甚。輒口吮。呼天乞代。未幾創合。人咸謂爲孝感所致云。生平廉俸皆以分致昆弟。亡私財。又常勸修族牒。立育嬰保節諸堂。故湘州父老子弟。無不知蕭提督者。

樸學

王尙樸

王尙樸。字季平。秦州人。自束髮受書。卽欲闡聖賢之精微。發經傳之蘊奧。每有疑義。輒廢寢食。長更研經。汲古搜集。漢唐說經之書。持論觥觥。以自抒其所見。爲文亦質實無華。道光丁酉鄉試。首場三藝。皆以五經詰題。同考官陳世鎔極賞之。以爲首薦。榜發。僅中副車第一。己亥。錄選對策。駁刪詩之說。謂東周廢採詩官。風雅散軼。聖人蒐羅之惟恐後。但爲次其年世。正其殘譌。無所謂刪也。學使者駭其言。竟不送科。自是遂絕意進取。專心著述。標新領異。一衷於正。有大易黃解。春秋黃解。孝經儀禮輯解。四書節解。詩書禮輯解。讀十三經管見草諸編。光緒三十年卒。所居爲古成紀之三陽川。有伏義畫卦臺。學者稱羲川先生。

葉德輝

葉德輝。字奐份。號直山。一號卮園。長沙湘潭人。先世居吳縣洞庭西山。宋元以來。名卿聞出。考諱浚蘭。候選直隸州知州。二品封典。飭躬勵行。以豐其家。生子四人。德輝居長。自少岸異。幼學不假師資。及冠。補府學生員。光緒乙酉。舉於鄉。壬辰成進士。以主事用。觀政吏部。年裁三十。謁歸里居。奉親讀書。遺置榮利。戊戌政變。將作。與王葵園祭酒訟言孔子改制之誣。幾蹈不測。自是廟堂水火。舉國譁然。醞釀十餘年。遂有辛亥之變。德輝與葵園。皆於先

一年以民變案牽連削籍矣。王子以後，不常厥居。北覽燕雲，東遊吳會，藏書既富，著述滋多。雖在流離，卷不去手。嘗慨湖湘往時學者，因沿明人習氣，好著議論，不究本源。雖擅淹通，益形固陋。故其爲學博大汪洋，靡測涯際。而考訂精審，從不輕下己意。一時言古學者，翕然宗之。海內外無異辭焉。所著及校刻書凡數十百種。丁卯三月初十日加申遇難卒。距其生同治三年甲子歲正月十四日，春秋六十有四。

文學

戴名世

戴名世，字田有，一字褐夫，號藥身。又自號憂庵。身後鄉先輩及四方學者，皆稱之曰宋潛虛先生。以宋爲戴族所自出也。先世洪武初，自徽州之婺源徙居桐城。家世孝弟力田。至南居府君，族始大。尤多隱德。所居地曰南灣，因以爲號。繼乃遷於縣治之城東。嘗使其長子面峯至南灣，佃夫有掘地得白金二甕，其上皆金玉寶器，不敢匿，以告主人。面峯歸，請命將取之。南居大怒曰：「有毋望之福者，必有毋望之禍。女欲取非義以長其驕，吾家焉用此不才子。」乃杖之。佃夫喜，與妻子潛捆載去。之鄰邑，買田宅爲富人。居數年，獄吏黷之，誣爲盜。家竟破，罹禍而死。聞者皆服南居之識。面峯之幼子曰默齋，爲處州經歷時，太守有羸疾，知其長者，事皆屬之。治吏攝服不敢欺護。一府中皆稱其能。歷署篆，每去，士民追送百里。時鄰邑俗悍難治，上官調其往，事輒平。以故常兼攝兩縣事。居鄉好賑恤貧乏。鄉老大夫莫不加敬。屢舉鄉飲大賓。生四子，長曰孟庵，卽名世曾祖也。弱冠爲諸生，有聲。後國變，痛哭薙髮，服僧衣，入眠龍山中不出。祖古山先生，宦江西回，侍養山中。後因家焉。父碩，字孔萬，邑博士弟子。爲人醇謹，忠厚，與人語，輒以爲善，相勸勉，無賢愚皆服其長者。尤喜詩辭，多悲楚。凡百餘卷。名世幼聰穎，六歲從塾師受學。中間以疾，未能專讀。凡五年，而四書五經畢。自是窺探經史百家，卽善爲古文辭。年二十，授徒養親。師事里中潘蜀藻先生江，且多借其藏書觀之。是時長洲韓文懿公葵，以雄駿古雅之文登高第，爲天下宗仰。名世年少，好爲妙遠不測之文，頗爲鄉里翫笑。惟縣司教王先生我建及潘先生奇之，且以宗伯韓公相擬。大父古山先生亦勉勿

怠。不以窮困爲嫌。康熙庚申年二十八。入縣學爲諸生。是冬。父霜巖先生卒。明年。乃編訂其遺詩。及自訂古文初集。周易文稿。又四年乙丑。以廩生得選拔貢生。督學使者爲諸城劉公木齋。吉水李公振玉。咸以國士相目。丙寅冬。入京師。明年以選貢生考取。補正藍旗教習。考授知縣。應京兆試。被放。戊辰己巳之間。應山東學使某公之聘。自燕踰濟。游於渤海之濱。徧歷齊魯之境。己巳夏。自河濟入京師。居三年。授經於李太常愚庵家。壬申冬十月。祖古山先生卒。明年元配李孺人卒。是年乃客福建。明年遊淮上。又明年入京師。居二年。丁丑之春。自京師反金陵。明年秋九月。母方孺人卒。庚辰之春。操房書選政。夏五月。應浙江學使保德姜公之聘。姜公詩文教令。多出其手。冬十二月。仍回金陵。明年。再赴姜公之約。往浙江。且遊覽爛柯雁蕩大龍湫赤城天台諸勝。次第爲文記之。而金陵門人尤雲鶚。以平日所藏名世古文百餘首。雕刻行世。名曰南山集偶鈔。是時已買宅里中之南山。將歸隱。故取以名其集。志歸隱之地也。壬午之冬。乃自江寧歸里。居南山所謂硯莊者。又二年甲申。復客遊姑蘇。明年乙酉。應順天鄉試。中式舉人。又明年。會試被黜。乃自京師復客吳門。操房書之選。又明年秋。乃客江都。並淮上。又客南陵。嘗編訂四書朱子大全。是年冬告成。明年過淮上。入京師。錢塘友人程逢儀鳳來爲錢板。以贖其傳。名世序之。略曰。四書歷漢及唐。至宋諸儒出。而其義乃大明。蓋有二程子始發孔孟之秘。於千載廢墜之餘。至朱子出。而其學尤爲純粹以精。其闡明四書之義者。尤爲詳密而完備。自朱子沒。諸儒競起。人各爲書。或不能盡得朱子之本旨。其陽奉而陰違者。亦往往有之。明永樂中。詔諸臣編纂四書大全。一時諸臣。皆不知聖人之道。竊取倪氏吳氏兩家。靡雜割裂之書。以應詔。是非互陳。邪正並列。自是學者眩瞽莫辨。雖顯背於朱子之旨者。亦與朱子並奉以爲不刊。蓋四書之義。既大顯明於朱子之手。而復混淆於諸儒者。歷二百年矣。近日平湖陸氏長洲汪氏。爲之挾摘其疵謬。以告於世。於是大全之雲霧漸掃。而余以謂古人罷黜百家。獨尊孔氏。今之尊朱子。卽所以尊孔氏也。故余是書。一以朱子爲主。其於朱子之書。一以集註章句爲主。至於朱子他書。與集註章句互相發明者。采其精要。集而次之。而務一其旨歸。其於諸儒之說。概弗參載焉。夫諸儒之說。其靡雜割裂而疵謬者。然而去之宜也。

然其中不無可采之論。至當之言。而亦莫之入何也。夫其可采之論。至當之言。原不能出乎朱子函蓋之內也。今夫一堂之上。衆論喧呶。紛紜攻訐。苟非窮理之深。析義之精。聽之焉能無誤哉。惟得一明允之吏。片言立剖。而紛紜之辨自息。是故學者。但明於朱子一家之言。而諸儒之說。是非邪正。自了然於胸中。而不爲其所亂。此則區區爲是書之意也。明年己丑會試。中式第一名貢士。殿試欽點一甲二名進士。授職翰林院編修。時春秋已五十有七矣。又二年。以南山集獲罪。獄辭具於辛卯之冬。又二年論死。蓋名世少即以明史自任。嘗徧訪遺書。網羅故老傳聞。欲以成一家之言。時鄉前輩方學士孝標。故翰林。失職遊滇中。陷而歸。著有鈍齋文集。滇黔紀聞等書。名世日記中頗采其語。姓而不名。且與余生書曰。前者浮屠犂支。自言永曆中宦者。爲足下道滇黔開事。余聞之載筆往問焉。余至而犂支已去。因教足下爲我書其語來。去年冬。乃得讀之。稍稍識其大略。而吾鄉方學士有滇黔紀聞一篇。余六七年前嘗見之。及是而余購得此書。取犂支所言。考之以證其同異。蓋兩人之言。各有詳有略。而亦不無大相懸殊者。傳聞之間。必有訛焉。然而學士考據。頗爲確核。而犂支又得於耳目之所覩記。二者將何所取信哉。昔者宋之亡也。區區海島一隅。僅如彈丸黑子。不踰時而又已滅亡。而史猶得以備書其事。今以弘光之帝。南京。隆武之帝。閩越。永曆之帝。兩粵。帝滇黔。地方數千里。首尾十七八年。揆以春秋之義。豈遽不如昭烈之在蜀。帝昺之在崖州。而其事漸以滅沒。近日方寬文字之禁。而天下所以避忌諱者萬端。其或菰蘆山澤之間。有蘆塵誌其梗概。所謂存什一於千百。而其書未出。又無好事者爲之掇拾流傳。不久而已蕩爲清風。化爲冷灰。至於老將退卒。故家舊臣。遺民父老。相繼澌盡。而文獻無徵。凋殘零落。使一時成敗得失。與夫孤忠效死。亂賊誤國。流離播遷之情狀。無以示於後世。豈不可歎也哉。終明之世。三百年無史。金匱石室之藏。恐終淪散放。而世所流布諸書。缺略不詳。毀譽失實。嗟乎。世無子長孟堅。不可聊且命筆。鄙人無狀。竊有志焉。而書籍無廣購。又困於饑寒衣食。日不暇給。懼此事終已廢棄。是則有明全盛之書。且不得見其成。而又何況於夜郎笮。昆明洱海。奔竄流亡。區區之軼事乎。前日翰林院購遺書於各州郡。書稍稍集。但自神宗晚節。事涉邊疆者。民間汰去不以上。而史官

所指名以購者。其外頗更有潛德幽光。裨官碑誌記載。出於史館之所不及知者。皆不得以上。則亦無以成一代之全史。甚矣其難也。余夙昔之志。於明史有深痛焉。輒好問當世事。而身所與士大夫接甚少。士大夫亦無有以此爲念者。又足迹未嘗至四方。以故見聞頗寡。然而此志未嘗不時存也。足下知犁支所在。能召之來。與余面論其事。則不勝幸甚。至康熙辛卯冬。武進趙都諫申喬。據南山集題參。而同時又多忌其名者。力擠之。相國安溪李公。雅重其人。欲疏救於萬死一生之地。卒不可得。桐城經學文章之端緒。開自錢先生田間。其後望溪方侍郎。昌而大之。名世亦自幼殫精經史。得禍後。多所未究其緒論。惟見之於遺文。嘗曰。易之道大矣。夫子以爲可以寡過。往時讀其言而不知自省也。既學易。而後知生平動靜。無時不在過中。而無有一當。輒不禁涕淚之橫集也。欲攜周易一卷。隱居深山。朝夕占玩。考校諸家。而勒爲一書。或可借以稍寡其過。亦足以樂而終身也。與。又曰。九師興而易道微。三傳作而春秋散。善哉。文中子之論也。易之爲書。廣大悉備。而其變動不居。不可爲典要。自聖人已言之。是故淺學曲士。一切瑣屑紛紜術數之說。皆得託之於易。雖皆不可謂非易之所有。然徒執區區以言易。則已非易矣。易之理至程傳而明。至本義而益大明。然而言湮世遠。師傳歇絕。自晚周至宋。凡千餘年。伊川考亭。鑽研反覆。得其不傳之意。而著之爲書。其書出於草創之際。豈無十之二三。與文王周公孔子之本旨。不相比附者。世苟有通經學古之士。潛心冥會。融釋貫通。其於程朱繼志述事。能補其所未及。是亦程朱之功臣也。若乃聘其私見小慧。支離蔓衍。顯無忌憚。而務求勝於古人。是乃所謂叛臣者也。其或讀古人之書。而阿諛以曲從。不敢有毫髮之別異。是乃所謂佞臣者也。佞之爲古人之害也。與叛等。其於經持論平允。多類此。而生平最精者。尤在史學。嘗著論曰。昔者聖人何爲而作史乎。夫史者。所以紀政治典章。因革損益之故。夫事之成敗得失。人之邪正。用以彰善癉惡。而爲法戒於萬世。是故聖人之經綸天下。而不患其或敝者。恃有史以維之也。史之所繫如此其重。然而史之難作久矣。作史之難其人。抑又久矣。今夫一家之中。多不過數十人。少或十餘人。吾目見其人。吾耳聞其言。然而婦子之詬誶。其毀之所由生。或不得其情也。主伯亞旅之勤惰。或未悉其狀也。推而至於一邑一國之

大其人又重矣。其事愈分雜而不可詰矣。雖有明允之吏。聽斷審讞。猶或有眩於辭。牽於衆。而窮於不及照者。況以數十百年之後。追論前人之遺迹。其事非出於吾之所親爲親記。譬如聽訟。而兩造未列。只就行道之人。旁觀之口。參差不齊之言。愛憎紛紜之論。而據之以定其是非曲直。豈能有當乎。夫與吾並時而生者。吾譽之而失其實。必有據其實而正之者。吾毀之而失其實。其人必與吾爭辨而不吾聽也。若乃從數十百年之後。追論前人之遺迹。毀之惟吾。譽之惟吾。其人不能起九原而自明也。孟子曰。盡信書。則不如無書。吾於諸家之史亦云。然則作史豈遂無其道乎哉。夫史之所藉以作者有二。曰國史也。曰野史也。國史者。出於載筆之臣。或鋪張太過。或隱諱不詳。其於羣臣之功罪賢否。始終本末。頗多有所不盡。勢不得不博徵之於野史。而野史者。或多徇其好惡。逞其私見。卽或其中無他。而往往有傷於辭之不達。聽之不聰。傳之不審。一事而記載不同。一人而褒貶各別。嗚呼。所見異辭。所聞異辭。所傳聞異辭。吾將安所取正哉。書曰。三人占。則從二人之言。吾以爲二人而正也。則吾從二人之言。二人而不正也。則吾仍從一人之言。卽其人皆正也。而其言亦或可盡從。夫亦惟論其世而已矣。一事也。必有一事之終始。一人也。必有一人之本末。綜其始終。該其本末。旁證互參。而固可以得其十八九矣。子曰。衆好之。必察焉。察之而有可好。亦未必遂無可惡者。察之而有可惡。亦未必遂無可好者。衆不可矯也。亦不可徇也。設其身以處其地。揣其情以度其變。此論世之說也。吾既論其人之世。又論諸作野史者之世。彼其人何人乎。賢乎否乎。其論是乎非乎。其爲局中者乎。其爲局外者乎。其爲得之親見者乎。其爲得之遞聽者乎。其爲有所爲而爲之者乎。其無所爲而爲之者乎。觀其所論列之意。察其所予所奪之故。證之他書。參之國史。虛其心以求之。平其情而論之。而其中有可從有不可從。又已得其十八九矣。嗚呼。史之難作如此。而自古至來諸家之史。不能皆得而無失。此吾所以謂作史之難其人也。曾鞏氏曰。古之所謂良史者。其明必足以周萬事之理。其道必足以適天下之用。其智必足以通難知之意。其文必足以發難顯之情。然後其任可得而稱也。又曰。史者所以明夫治天下之道也。由此觀之。作史之人。豈不難哉。自古稱良史。莫過於班馬二家。然以司馬氏之雄傑。覆冒百代。而不無是非。

顛倒。采摭謬亂。是其智雖足以通難知之意。其文雖足以發難顯之情。而明固不足以周萬事之理。道固不足以適天下之用矣。至於班氏之文。較之於司馬氏。又尙有不逮焉。夫班馬二家。豈非天下之才乎。而猶有所憾者。是而況於魏晉以後。區區之破析其體。藻繪其辭。而義類盡失者哉。此吾所謂作史之難其人也。且夫作史者。必取一代之政治典章。因革損益之故。與夫事之成敗。人之得失。一一了然洞然於胸中。而後執筆操觚。發凡起例。定爲一書。乃能使後之讀之者。如生於其時。如卽乎其人。而可以爲戒。譬如大匠之爲巨室也。必先定其規模。向背之已得其宜。左右之已審其勢。堂廡之已正其基。於是入山林之中。縱觀熟視。某木可材也。某木可柱也。某木可棟也。椽也。某石可礎也。階也。乃集諸工人。斧斤互施。繩墨並用。一指揮顧盼之間。而已成千門萬戶之鉅觀。良將之用衆也。紀律必嚴。賞罰必信。號令必一。進止必齊。首尾必應。運用之妙。存乎一心。變化之機。莫可窺測。乃可以將百萬之衆。而條理不紊。臂指可使。兵雖多而愈整。法雖奇而實正。而吾竊怪夫後世之爲史者。規制之不立。法律之茫然。舉步促縮。觸事難除。是亦猶之尋丈之木。尺寸之石。而不知所位置。五人十人之聚。而駕馭乖方。喧嘩擾亂。而不可禁止。又安望其爲巨室而用大衆乎哉。此吾所以謂作史之難其人也。且夫爲巨室者。羣工雜進。而職其體要。惟度材是任者。大匠一人而已。用兵者。卒徒雖多。偏裨雖武猛。而司三軍之命者。大將一人而已。爲史者。雖徵文考獻。方策雜陳。而執筆操簡。發凡起例者。亦不過良史一人而已。而吾又竊怪夫後世之爲史者。素不聞有博通三史之學也。素未知有筆削之法也。分編共纂。人人而可以爲之。一人去。又一人來。往往一書未成。而已經數十百人之手。曠日踰時。而卒底於無成。衆拙工而治一器。衆儒夫而治一軍。器安得不窳。而軍安得不敗哉。是故以司馬氏班氏歐陽氏爲之大匠良將。而史記而漢書。而五代史可成也。新唐書。非歐陽氏一手之所定。遂不能與五代史齊觀。則夫史氏非專家之學。不可以稱其任。此亦可以見矣。夫所謂專家之學者。天下之才也。如曾鞏氏之所謂。而後可以爲良史也。或謂史之難作如此。作史之又難其人如此。願安所得如司馬氏班氏歐陽氏者出而任之。此亦視乎上之所重而已矣。上之所重在經學。則天下之通經者出。上之所重在史學。則天下

之良史者出。而又何患於史之難作。與作史之難其人哉。名世於文。幼有天授。才氣汪洋浩瀚。縱橫飄逸。雄渾悲壯。深得左史莊騷神髓。嘗以其所得。暢發之於書曰。蓋余嘗讀道家之書矣。凡養生之徒。從事神仙之術。滅慮絕欲。吐納以爲生。咀嚼以爲養。蓋其說有三。曰精。曰氣。曰神。此三者。鍊之凝之。而渾於一。於是外形骸。凌雲氣。入水不濡。入火不熱。飄飄乎御風而行。遺世而遠舉。余嘗欲學其術。而不知所從。乃竊以其術而用之於文章。嗚呼。其無以加於此矣。古之作者。未有不得是術者也。太史公纂五帝本紀。擇其言尤雅者。此精之說也。蔡邕曰。鍊余心兮。浸太清。夫惟雅且清。則精。精則糟粕煨燼。塵垢渣滓。與凡邪僞剽賊。皆刊削而靡存。夫如是之爲精也。而有物焉。陰驅而潛率之。出入於浩渺之區。跌宕於杳鬱之際。動如風雨。靜如山岳。無窮如天地。不竭如江河。是物也。傑然有以充塞乎兩閒。而蓋冒乎萬有。嗚呼。此爲氣之大過人者。豈非然哉。今夫言語文字。文也。而非所以文也。行墨蹊徑。文也。而非所以文也。文之爲文。必有出乎語言文字之外。而居乎行墨蹊徑之先。蓋昔有千里馬。牝而黃。伯樂使九方皋視之。九方皋曰。牡而驪。伯樂曰。此真知馬者矣。夫非有聲色臭味。足以娛悅人之耳目口鼻。而其致悠然以深。油然以感。尋之無端。而出之無迹者。吾不得而言之也。夫惟不可得而言。此其所以爲神也。今夫神仙之事。荒忽誕漫。不可信。得其術。而以用之於文章。亦足以脫塵埃。而游乎物外矣。又曰。文章之爲道。雖變化不同。而其旨非有他也。在率其自然。而行其所無事。卽至篇終語止。而混茫相接。不得其端。此自左莊馬班以來。諸家之旨。未之有異也。蓋文之爲道。未有不讀書而能工者也。然而吾所讀之書。而吾舉而棄之。而吾之書固已讀。而吾之文固已工矣。夫是以一心注其思。萬慮屏其雜。直以置其身於埃壙之表。用其想於空曠之間。游其神於文字之外。如是而後。能不爲世人之言。不爲世人之言。斯無以取世人之好。故文章者。莫貴於獨知。彼衆人者耳。矚目竊。徒以雕飾爲工。觀其菁華爛漫之章。與夫考據排續之際。出其有惟恐不盡焉。此其所以愕然無有者也。君子之文。淡焉泊焉。略其町畦。去其鉛華。無所有。乃其所以無所不有者也。聞嘗入乎深林叢薄之中。荆榛冒吾之足。土石封吾之目。雖咫尺。莫能進焉。余且惴惴懼跬步之或有失也。及登覽乎高山之巔。舉目千里。雲煙在下。

蒼然茫然。與天無窮。頃者游於渤海之濱。見夫天水渾淪。波濤洶湧。愴况四顧。不復有人間。嗚呼。此文之自然者也。又嘗論曰。賈者。天下之至文者也。平者。天下之至奇者也。莫質於素。而本然之潔。纖塵不染。而采色無不受焉。莫平於水。而一川泓然。淵涵淨蓄。及夫風起水涌。魚龍出沒。觀者眩駭。是故於文求文者。非文也。於奇求奇者。非奇也。今夫浮華濃豔。刊落之無遺。而後真實者以存。濼水既盡。寒潭以清。此其所以造於質且平也。假使世俗爲之。則其所爲質且平者。枯槁頑鈍。而無一有。安在其文。亦安在其奇邪。其論文如此。名世生於昌隆之際。人才極盛之秋。所與交遊。砥礪學業。四方豪俊英偉。莫不傾倒。尤留心先朝文獻。蒐求討論。自以爲此古今大事。不敢聊且爲之。欲入名山中。滌洗心神。餐吸沆瀣。息慮屏氣。久之乃敢發凡起例。次第命筆。而不幸死喪相繼。家益落。衣食於奔走。又以奇禍。困躓顛倒。含恨而歿。千秋大業。卒未能顯於世。徒以區區文字爲世所稱道。夫豈其本志哉。平生堅苦力學。晚益深造自得。不肯一刻雜書。在獄中約計二載餘。以昔所編訂四書朱子大全。鐫板行世。尙以爲未盡也。復取原書。增損條記簡端。殊墨淋漓。蓋此書羽翼經傳。爲程朱功臣。故慙慙爲後學計。尤切。其史學可見者。則子遺錄一卷。及集中紀略。并忠義諸傳而已。往者。戴存莊孝廉鈞衡嘗搜輯其散軼之文。合偶鈔本編。爲潛虛先生全集。成十四卷。茲又搜求得紀略四首。又他雜文百餘首。詩三十首。名世生於順治十年癸巳三月十八日。年六十有一。

梅會亮

梅會亮。字伯言。上元人。父仲。世所稱抱邨先生者也。會亮成道光壬午進士。以知縣用。援例改戶部郎中。少時文喜駢麗。既游姚郎中門。與管同友善。同輒規之。始頗持所業相亢。已乃悟。佞所爲無真面目。乃一變爲古文詞。其文洗伐最深。故饒姿韻。官京師久。以文自贍。一時碑版記敘。率其手筆。時論盛稱之。嘗著民論。言亂民姦民之別。而推極於五斗米張角之所由來。其上汪稼門書。亦諄諄言羣民易治。姦民難治。治之者獨州縣。而今爲州縣者。皆苦無權。夫州縣豈無權哉。民事利病修廢之宜。方竭其聰明才力以求之。猶未必盡與。然事之萬全無害者。

幾何。而倡議行之。文書之上簿者。上官六七級。此合彼悖。返往曠日。迫切成過。誤功未收。而罪已集矣。夫足以有爲之才。值萬不得已之事。而逆阻於文報階級之繁擾。以聽其破壞於冥冥中者。什蓋八九。故曰無權也。曾亮見川楚教匪之亂。及嘉慶十九年林清之變。故其詞如此。又著刑論。頗中近日刑部說帖駁案之弊。其詞謂法貴易知而難犯。決一人之死。而可使千萬人之不敢入於死。此法之整齊簡易者也。古之人。非不知情事有萬不齊。然一切之法。不足悉其變。不若從其略者。乃天下之公失也。大抵曾亮駢文爲上。詩次之。散文循桐城家法。平易無情實。於史記師其論贊姚佚。而置其八書之典博。同時諸公。倒屣禮待。極令聞廣。譽施身之致。有後進謁於京邸者。戒以長安居大不易。惟擇交游。端言行。勤讀書。三言而已。其人本誠篤。用是益兢兢無纖芥過。回里。猶尋味其言。不置云。江寧老宿。能以德望服人。而人服之無退詞者。惟聞管同與曾亮。既以文名聲較。邑人許宗衡謁之。與論文至千百言。其他靜默而已。晚歲罷官。泮經粵逆之亂。浮沈江淮間。其同年生楊以增總督南河。招之。且爲刊所著柏枧山房文集十六卷。及詩十二卷。駢文二卷。行於世。咸豐六年正月。卒。年七十一。

蔣超伯

蔣超伯。字叔起。幼穎異。九歲詠蘆花。卽有蘆中人不見。秋雪滿江飛之句。未冠。補諸生。學使祁文端公。漢三稱許之。道光十九年。舉於鄉。二十五年。會試第一。總裁大學士穆彰阿。稱其文有瞿鄧宗風。釋褐。改刑部主事。咸豐五年。補陝西司主事。次年。充軍機章京。尋擢安徽司員外郎。轉江西司郎中。十年。授江西道監察御史。時高郵蠶筋決口。災黎盈野。當軸者不籌堵禦。超伯抗疏極言之。文宗特命副都御史晏端書漕運總督王夔齡。督修隄工。尅期蒞事。民賴以安。統兵大員有視師不力。避寇潛逃者。超伯皆具疏糾劾。十一年。簡授廣西南寧知府。同治二年。調補廣東高州知府。信宜劇寇陳金缸。岬負僭號南興王。旁擾郡縣。超伯命所屬各邑。行堅壁清野法。克復信宜縣城。金缸遂就擒。又以肅清高涼羅定各郡。敘戰守功。賞戴花翎。並加鹽運使銜。移知潮州府事。又以防禦巨寇汪海洋功。加按察使銜。五年。攝廣州知府。清釐積案。囹圄幾空。後以道員需次省垣。大吏檄署按察使。十年。乞

休歸里。超伯性耽吟誦。居恆手不釋卷。所著有爽鳩要錄。南澹菴語。蘆溪蒼錄。南行紀程。窺豹集。通齋詩文集。若干卷。卒年五十五。

黃遵憲

黃遵憲。世爲嘉應州人。曾祖學詩。祖際昇。父鴻藻。官廣西知府。遵憲以拔貢生中式光緒二年順天鄉試舉人。旋隨使日本。歷官四十年。有大小久暫之不同。而皆舉其職。嘗爲日本使館參贊也。日本方縣我琉球。且覲及朝鮮。遵憲告使者。乘彼謀未定。先發制之。具牘數千言。陳利害甚悉。東人至今誦之。而當事不省。不二十年。二屬遂相繼不保。又爲英之新嘉坡。美之舊金山總領事矣。美人嫉吾民之僑彼境者。蓄志攘之。遵憲既以先事禦之之謀告其上而不用。乃盡其力所能及。以爲捍衛。美政府嘗藉口衛生。係吾民數千。遵憲數語捍圍而脫之。且責償焉。居外國久。於其上下情形。內外形勢。洞幽察隱。故凡有所應付。莫不迎刃而解。而大吏亦稍稍知其能外交。故每以事相屬。江鄂四省教案。積數十起。連十數年。文牘盈尺。莫能斷結。遵憲受委。挾月而決之。教士擡舌而不敢爭。異時沿江沿海劃地爲市。租借外旅。命曰租界。始事者昧於國際法。於界內界以治外法權。喪威失權。悔不可追。間嘗恫之。值甲午之役。約以蘇州杭州兩處爲租界。適主其事。乃曰。蘇杭腹地。非江海口岸比。因議自營市政。凡所以便外旅者。纖悉備至。而獨於治外法權則靳焉。日本主者。莫能難也。殆畫諾矣。適有以蜚語相中者。謂其受外賂。爲它人計便安。約遂廢。而日本亦撤其使歸。兩國同以此事譴其使。而天下萬國。則謂日本之舉。爲計獨得也。遵憲雖以外交知名當世。然兩受使命。皆中沮。光緒二十一年。奉旨入覲。以道員帶卿銜。授出使大臣。駐德國。時德人方圖膠州。懼其來。折其機牙。迺設詞以撼我政府。卒尼其行。光緒二十四年。復以三品京堂候補充出使日本大臣。時方解湖南按察使任。養疾上海。淹留未行。而黨禍卒起。緹騎繞室者兩日。幾受羅織。事雖得白。使事亦解。遂歸田里。光緒三十一年二月二十三日。以疾卒於家。遵憲讀書有精識遠見。不囿於古。不徇於今。嘗思成一家言。曰漢孔篇。未成。而所成之日本國志四十卷。當吾國二十年以前。羣未知日本之可畏。而此書則已言曰

本維新之效。成則且霸。而首先受其衝者爲吾中國。及後而其言盡驗。以是人尤服其先見。爲文章務取暢達。不苟爲夸飾。至其爲詩。則精思渺慮。盤薄而莫測其際。自其少年稽古學道。以及中年閱歷世事。暨國內外各山水。與其風俗政治形勢土物。至於放廢。而後憂時感事。悲憤伊鬱之情。悉託之於詩。故其陽開陰闔。千變萬化。不可端倪。平生所作逾千首。自哀集得六百餘首。曰人境廬詩草。

丁惠康

丁惠康字叔雅。自號惺庵。廣東豐順人。父日昌。以諸生起家。官至福建巡撫。所至有聲。惠康少豪宕不羈。然習聞庭訓。學問皆粗知門徑。忽豁然有悟。痛刮磨舊習。發篋陳書讀之。時巡撫公已卒。家有園林。富圖籍。相傳同治初元。上海郁氏宜稼堂之書散出。巡撫公適官蘇松太道。其舊槧名校精鈔。大半爲所得。若宋刊世綵堂韓文。程大昌禹貢論。九朝編年。毛詩要義。儀禮要義。金刊地理新書等。或云十種。或云五十餘種。均歸持靜齋。其最著者矣。惠康於經史百家九流訓詁詞章金石之學。皆夙其涯落。筆爲文。有魏晉閩人風格。人亦如其文。雖爲邑諸生。不屑求科舉。雖爲部郎。未嘗分部學習也。嘗北遊。欲讀書南學。長沙張百熙領學事。置之第一。旋舍去。遊日本。謁而參學務於廣州。又舍去。庚子之亂。大學士尊督李鴻章議和。至上海。惠康大築南北志士。銳欲有爲。謁鴻章。陳政策。鴻章不能用。百熙旋薦舉經濟特科。不應。自是往來京師上海。居京師數年。一室無塵。舊本圖史。插架張壁。數古琴直千金數百金。瓶爐盆盎杯盤之屬。多古瓷。下者猶舊青花。然日用常無以自給。友人或資助之。與曾習經陳衍姚梓芳吳保初羅惇齋數人交最密。或告以貌酷似王介甫。則陰喜自負。時以語人。則知其未忘世也。嘗以獨山黃友芝所輯持靜齋書目。尙少綱領之提。欲爲有清經籍志。以實字訪學錄諸書未成。以宣統元年四月晦日卒於京師。有子女各一。遺詩百十首。

賀濤

賀濤字松坡。先世山西洪洞人。明永樂間。遷直隸之武強。居段家莊。爲武強人。三世祖諱成家。隆慶間移居北代。

至濤父以訓導久官故城不去。復移居鄭家口。賀氏之族。其藏書名甲畿南。高會以來。仍世有文。至濤益厲時。獨出。倅然躋宋明作者。而上凌駕漢唐。直與古之遺文接警效。年十六。補博士弟子員。縣院試皆第一。同治庚午。舉於鄉。弟沅。與濤同榜鄉舉。及光緒丙戌會試。又兄弟同榜成進士。學者傳以爲榮。初爲反離騷。桐城吳先生一見奇之。登諸門牆。授以歷代所傳斯文之緒。及武昌張先生北來。都講保定蓮池書院。復引而通之。張先生得之。喜爲至寶也。時吳先生方爲冀州。言之上官。自大名教諭領署冀州學正。都講信都書院。乃益以研讀文藝爲事。進則證所得於兩先生。遠者書問。近者面質。退則與諸生講說。反復辨駁。孜孜不已。雜以笑譁。大暢厥旨。至張先生南歸。吳先生接都蓮池。每有所作。猶寄書與濤。是正濤語言妙天下。雅趣不爲滑稽。濤說聞者解頤。而事理的破。尤妙於說書。善爲形容。正言不喻。而偏宕言之。聞以譬況。俾古人之聲音笑貌。倏厲紙上。汲引學者心目。由百世之下。等百世之上。若親與古人晤對。唯諾一室之中。又愛西儒學說。說理宏深。病吾譯者。蹇於辭。不能達其誼。思整齊要刪。成一家言。復游京師。保定。迭主長沙。陳伯平中丞。天津徐鞠仁太保。項城袁公督直隸時。於保定立文學館。延濤主其事。先是已有存古學堂之議。鄉曲耆儒。額手稱慶。濤獨以謂中學以文章爲主。學又與他學不同。或窮年佔畢。不見其進。而一旦驟長。或執卷研索。不得其解。而觸物旁通。若拘於學堂定例。限之歲月。而實以員程。則所謂古者。名存而實先亡矣。至是袁公手書屬。盡除去學堂科目。一任濤所爲。又致書毛寶君方伯。代通殷勤。且曰。若賀君不至。則此館無庸虛設。濤乃起而任事。高縣其格。厚與之餼。人無定額。業有專攻。凡所招致。皆一時知名之士。南皮張宗瑛。深州武錫珏。首至。冀縣趙衡。陳嘉謨。深縣侯際辰。索強齋。文煥。武邑吳之沅。王枚。楫亦絡繹。其來未幾。袁公去直隸。而濤亦辭館歸。自是倦游不復出矣。濤於學無所不究。悉以文馭之。故所得獨精。雖專門其學者不能逮。嘗爲天文之學。馭以繞日新說。而月行星軌道之膠葛。悉除。又刺得割圓曲線之要。向所謂視蒙氣差。測之悉準。嘗爲輿地之學。馭以今行省州縣。依所畫疆界。犬牙鉤錯。稟裁之。分爲無數小圖。而舍之爲一。其界畫纖細。僅如牛毛。比每與學者說古人之文。輒取所爲圖。布列几上。視數千百年以前戰爭割裂。

之壤地。叔牙鉤棘。瞭如掌文。蓋文爲諸學之機緘。不能文而泛言攷證。皆糟魄也。不能文而侈談事功。皆瓦礫也。不能文而高語性命。皆朽腐也。顧諸學以文爲機緘。而爲文要自有道。自孔子次春秋以制誼法。法卽易之所謂言有敘。誼卽易之所謂言有物也。古人之渾言其理。而於命意遣辭。何以爲有物。安章宅句。何以爲有敘。固未之詳也。濂嘗自言其於文事粗有所知。悉得力自評點。評點之學。創自明歸熙甫氏。至方望溪劉海峰姚姬傳氏。下逮張吳兩先生。承用其說。爲之益多。用以發古人不傳之秘。而爲後之學文者別啓一途轍。譬若新學之有儀器標本。於無可指示之端。能爲之圖形指示。俾學者一目了然。用至便。法至善也。內行純篤。於昆弟始終無違言。事父母尤能得其歡心。視世事漠無足介其意者。有文二百篇。寫定在紙。年六十有四卒。實惟中華民國元年五月一日也。

陳慶年

陳慶年。字善餘。江蘇丹徒縣人。爲學大旨不分漢宋門戶。尤精三禮春秋。兼復旁搜遠紹。補漏匡幽。蚤歲所著有古香研經室筆記。爾雅漢注輯述。祀禮書述故。中年肄業江陰南菁書院。著有知忘錄。司馬法校注輯。司馬法逸文。漢律佚文疏證。補三國志儒林傳。厥後淹貫史乘掌故。又著有宗聖志。潤故述。西石城風俗志。石城鄉人叢記。橫山鄉人叢鈔。京口掌故叢編。風俗史料。近代史料。通鑑紀事本末要略。五代史略。明史詳節。遼史講義。陶隱居蘇魏公沈夢谿楊文襄諸年譜。滄蓄演迤。騰蹕百家。閒作單辭短簡。亦務合於大誼。江南北諸名宿。斂手推服。長沙王益吾學使定海黃元同先生。皆驚賞曰。吾門得一汪容甫矣。慶年嘗謂士不通經。不足致用。然非致用。亦不可謂通經。故於食貨財用兵陳策略。與夫山川阨塞諸要端。靡不殫精竭思。究其源流。嘗主修兩淮鹽法志。別爲提要。其關於農事商政者。有丹徒農事述。物價研究史料。關於地利者。有法顯行程圖。玄奘旅行圖。元代疆域圖。輿地新資料。關於兵事者。有京口兵事通紀。兵法史證。兵法史料口義。柏舉戰史。吳越戰史。萬曆蜀徵征播史。兵事叢鈔等。張文襄勘查京山唐心口堤工。以慶年精地學。君行。他人方飲酒賦詩。而慶年獨步荒郊。擊測器。實地

勘驗。並訪野老。詳詢疾苦狀。文襄深倚之。又著外交史料。列國政要。與鄂省諸學子講明中外形勢。瞭如指掌。蓋是時慶年方佐張文襄幕府。筦攝兩湖學務云。其初辦江南圖書館也。江督端忠敏。實委任之。先購杭州丁氏藏書數十萬卷。又采取他省局書二十萬卷。嘗一拒日人島田彥楨。再拒木村恆雄等購書之請。蓋非此則江南之書。勢將不脛而走。又佐忠敏與日商西澤爭回東沙島。蓋援雍正閒陳倫炯海國圖見錄沿海形勢圖以爲據。海內搢紳。交口稱頌。慶年孝行純篤。事親視於無形。聽於無聲。赴江陰時。父送至江干。於岸上。鑿光中望。見須髮蒼然。不覺淚盈於睫。過焦山。凄然西望。猶感泣不已。母病。侍奉數十晝夜。及歿。號哭不絕聲。父疾革。伏其側。謂之曰。汝盍重呼我。我將載汝聲以去也。慶年肝腸寸斷。幾不知己之有生矣。慶年光緒戊子科優貢生。嘗選授江浦縣教諭。徵辟經濟特科。皆辭不就。癸卯。鄂撫端忠敏奏保內閣中書銜。其平生著書校籍。都凡千餘卷。至不可勝紀。今著錄者十之四五而已。以同治元年十二月十五日生。民國十八年六月三日卒。壽六十有八。

鄭文焯

鄭文焯。字俊臣。號小坡。又號叔問。晚年自署大鶴山人。先世居漢北海郡高密縣通德里。爲鄭康成之裔。九世祖國安。於清初鎮守關東海島。從入關有功。編入正黃旗漢軍籍。至文焯。應光緒丙子會試。請冠本姓。遂姓鄭氏。曾祖鶴年。祖普安。本生祖普明。考瑛。官至河南巡撫。兼署河南山東河道總督。世稱蘭坡先生。先生久宦秦晉豫數省。惠政及民。以餘事爲詩書畫。神趣天然。均極筆墨之妙。有鄭虔三絕之稱。文焯濡染家學。天質卓絕。幼卽個儻。見志節。爲文有奇氣。課餘喜作繪事。蘭坡先生富收藏。六歲時見壁懸畫軸。卽知臨摹。舞勺之年。輒以指作畫。凡花鳥山水人物。著手立就。光緒乙亥。應順天鄉試。中式舉人。出崇文真毛文達諸公之門。房考則陳弢庵先生也。會試屢薦不售。遂絕意進取。愛吳中山水幽勝。客居三十餘年。歷爲撫吳使者上客。事必諮而後行。光宣之交。陳伯平中丞啓泰尤相推重。每有酬唱。傾倒彌日。嘗與張次珊侍御仲炘言曰。叔問所爲詞。雄厚之氣。直逼清真。時流無與抗手。此由詣力心思。都高人一等也。中丞在蘇。創建存古學堂。按月校藝。廷爲都講大師。第其高下。碩

彥通材。咸來捧手受業。文焯亦循循善誘。樂與有成。辛亥國變。年五十有六。愴懷身世。自比淵明。孤憤滿腔。悉於詞發之。因以茗雅名其集。藉寓不如無生之感。朱古微侍郎孝誠。嘗爲刊茗雅餘集。且作弁言。語極沈痛。其辭曰。君以獨行之志。胥疏江湖。固墨墨以詞自晦者。至是而僅僅以詞顯歟。惟其名益高。其志益苦。其詣益進。而其遇益窮。豈詞果不祥之音。而於窮者尤驗耶。抑昔人所謂昌其身。不若昌其文耶。夫士生晚近。負閎識絕學。久孤於世。無所放其意。則託諸微言。懷然事物之所感觸。於是纏綿惻怛。以喻其致。幽燈殘屛。以形於聲。橫歌哭而變風謠。作者誠不自知其何心。至乃天宇崩析。葬教淪胥。竄羸行之軀。被倖狂之髮。茫茫慘澹。哀斷無生。向所爲長言嗟嘆之不足者。曾不得一詠搖焉。然則斯文之將墜於天。其以詞爲人籟。而天者動於幾之先歟。文焯生於咸豐六年丙辰七月二十八日。卒於民國七年戊午夏正二月二十六日。年六十有三。夫人張氏。字眉君。熱河正總管毓泰長女。才茂德懿。工繪事。善鼓琴。靜好相莊。終身無間。文焯於國變後。以越人術及鬻畫自給。清史館聘爲纂修。北京大學校校長某君。聘爲金石學教授主任。均忍飢不就。辭謝賤啓。傳誦藝林。有云。故國野遺。蒿目世變。久甘頽放。何意臬比。業醫賣畫。老而食貧。固其素也。所著書甚富。自寫定書目。凡三十九種。生前已刊者。有大鶴山房全集。凡九種。曰揚雄說故一卷。曰高麗永樂好太王碑釋文纂考一卷。曰醫故二卷。曰詞原校律二卷。曰冷紅詞四卷。曰樵風樂府九卷。曰比竹餘音四卷。曰茗雅餘集一卷。曰絕妙好詞校釋一卷。至詩稿若干卷。則易篋後。戴君正誠檢其遺篋。校定付刊者也。戴君尙欲蒐輯軼稿。盡刻之。又爲編次年譜若干卷。

編者附註

一、正編文學類之錢謙益誤入政事類、龔鼎孳洪亮吉吳觀禮誤入藝事類。容再版更正。

二、有清一代人物僭盛傳記彬軼頗難網羅。如有碑傳行述或記敘一行一節之文字見惠。即當酌量編入續集。然優輯民國以來人物志。有以傳狀等相示。亦所歡迎。倘以稿本借鈔。仍當挂號寄還也。

清代七百名人傳總目

第一編

政治

政事

財務

教育

外交

五七二

六二〇

六四一

第二編

軍事

陸軍

水師

邊務

六九五

一二一七

一二四三

第三編

實業

水利

交通

一四二三

一五二一

第四編

學術

理學	一五二五
樸學	一五六六
藝事	一七〇八

第五編

藝術

文學	一七三九
金石書畫	一八三六

第六編

革命	一八六三
附外人	一九一七

附錄

一 清代大事年表	
二 清代各朝名人分配表	
三 清代名人地域分配表	
四 清代名人分類統計表	
五 清代名人異名諡法檢查表	

清代七百名人傳篇目

政治

政事

陳名夏	一
寧完我	三
錢謙益	四
于成龍	六
呂 宮	一〇
宋德宜 <small>子發業</small>	一一
朱克簡 <small>子勉</small>	一三
李光地	一四
邵大業	二二
林起龍	二四
金之俊	二五
明 珠	二七
周亮工	三〇
徐元文	三一
孫 蕙	三三

孫承澤	三五
范文程	三五
陳汝咸	三八
陳廷敬	四〇
陳 瓊	四三
曹 溶	四七
郭 琇	四九
郭世隆	五一
康基淵	五四
黃 機	五五
黃貞麟	五七
彭 鵬	五八
湯 斌	六〇
傅以漸	六三
趙吉士	六四
熊賜履	六六
閻堯熙	六八

蔣國柱	六九
蔡毓榮	七一
魏裔介	七五
魏象樞	七六
朱 軾	七八
蔣 伊	八二
徐元夢	八四
陳元龍	八六
陳世倌	八八
張廷玉	九〇
張伯行	九四
蔣廷錫	九八
余 甸	一〇〇
沈起元	一〇一
魏廷珍	一〇三
藍鼎元	一〇五
尹會一	一〇七

尹繼善	錢維城	松筠
史貽直	錢澧	顏檢
李衛	邁柱	初彭齡
李發枝	寶光翥	姚文田
李紱	王杰	高杞
高其倬	朱珪	梁章鉅
孫嘉淦	章煦	劉衡
汪由敦	鐵寶	曹振鏞
梁國治	裘行簡	程祖洛
陳宏謀	董誥	溫承惠
莊有恭	汪輝祖	賀長齡
金溶	慶桂	牛鑑
曹錫寶	謝振定	李星沅
楊名時	戴衢亨	卓雲
葉新	翁景瀚	卓秉恬
仲永檀	朱士彥	姚元之
顧光旭	鄧夢琴	徐廣縉
嚴如煜	托津	訥爾經額
德保	和珅	錫金釗
一〇九	一七二	二三四
一一六	一七四	二四三
一二一	一七六	二四七
一二七	一八〇	二五一
一二八	一八五	二五八
一三一	一八八	二六二
一三四	一九四	二六四
一三九	一九七	二六六
一四一	二〇〇	二六九
一四四	二〇二	二七三
一四九	二〇四	二七七
一五二	二〇五	二八一
一五四	二〇七	二八三
一五五	二〇八	二八七
一五八	二一一	二八八
一六〇	二二六	二九二
一六三	二三〇	二九三
一六五	二三一	二九七
一六六	二三六	三〇〇

吳 梯	三〇四	劉秉琳	三六五	金國琛	四四三
史秉直	三〇五	肅 順	三六七	胡家玉	四四五
王肇謙	三〇六	羅惇衍	三七〇	奕 讓	四四八
葉名琛	三〇八	丁壽昌	三七四	徐 桐	四五一
潘世恩	三一三	王仁堪	三七五	恩 銘	四五五
錢德承	三一七	王文韶	三七八	剛 毅	四五八
穆彰阿	三一九	文 祥	三八七	孫詒經	四六二
桂超萬	三二四	尹耕雲	三九三	袁 昶	四六七
李元度	三二五	立 山	三九六	張之萬	四七三
李文田	三三〇	朱靖旬	三九七	張樹聲	四七六
沈兆霖	三三〇	李鴻藻	三九九	張仁黼	四七八
金福會	三三六	李瀚章	四〇二	陳啟泰	四八四
翁心存	三三九	李宗羲	四〇六	陳崇砥	四九一
馬新貽	三四三	毛昶熙	四一一	會紀鳳	四九三
桂 良	三四六	吳 棠	四一七	翁同龢	四九四
倭 仁	三五〇	沈桂芬	四二二	倪文蔚	四九六
徐台英	三五五	沈葆楨	四二五	崇 綺	四九八
許乃晉	三五七	丁寶楨	四三六	崇 實	五〇〇
趙 光	三六二	余聯沅	四四一	許庚身	五〇九

許振禕	容 閔	陸寶忠
趙舒翹	張 勳	葉成忠
廖壽恆	勞乃宜	楊斯盛
綿 宜	張 審	張之洞
劉坤一	財務	夏瑞芳
劉恩溥	宋 榮	外交
薛 煥	湯右會	譚廷襄
載 漪	方維甸	李鴻章
譚鍾麟	陶 樹	周德潤
邊寶泉	會 煥	邵友濂
懷塔布	花沙納	洪 鈞
江春霖	王慶雲	奕 山
陸元鼎	彭蘊章	廖恆壽
陸潤庠	閻敬銘	徐用儀
曹鴻勳	靈 桂	許景澄
馮 煦	錢 江	會紀澤
戴鴻慈	教育	鄧承修
陸鍾琦	武 訓	薛福成
沈會植	張百照	奕 劬
五二〇	五六六	六二六
五二四	五六八	六二九
五二七	五七一	六三〇
五三二	五七〇	六三一
五三七	五七二	六四〇
五四〇	五七四	六四一
五四〇	五七五	六四五
五四四	五八三	六五六
五四七	五九一	六六二
五四八	五九二	六六三
五四九	五九六	六六六
五五一	六〇三	六七三
五五三	六〇六	六七五
五五三	六一三	六七七
五五四	六一七	六七八
五五五	六二〇	六八二
五六三	六二一	六九〇
五六五	六二二	六九四

軍事

陸軍

額亦都	六九五
費英東	六九六
薩哈璘	六九七
阿巴泰	六九九
石廷柱	七〇三
代善 <small>孫傑書</small>	七〇五
多爾袞	七一一
多鐸	七二一
李猶龍	七二四
阿濟格	七二五
祖大壽	七二九
博洛	七三五
豪格	七三七
鄭芝龍	七三九
濟爾哈朗 <small>從會孫 德沛</small>	七四一
吳六奇	七四七
李之芳	七四八

李率泰	七五三
金光祖	七五六
郎坦	七五八
郎廷佐	七六〇
洪承疇	七六一
耿繼茂	七六九
梁化鳳	七七〇
喀喀穆	七七二
趙廷臣	七七三
劉之源	七七四
薩布素	七七六
龍拜	七八一
顧八代	七八四
兆惠	七八五
李侍堯	七九一
阿里袞	七九七
明瑞	八〇二
查郎阿	八〇五
納親	八一〇

海蘭察	八一四
班第	八二〇
柴大紀	八二五
傅清	八二八
鄂爾泰	八三〇
傅恆	八三四
舒赫德	八三六
楊應琚	八四一
額勒登額	八四六
吳熊光	八四八
宜縣	八五四
書麟	八六三
勒保	八六七
德楞泰	八七八
額勒登保	八八九
王錫朋	八九七
鄂山	八九九
葛雲飛	九〇二
劉清	九〇四

賽冲阿	九〇八	饒廷選	九九一	李朝斌	一〇七六
關天培	九一四	多隆阿	九九二	岑毓英	一〇七九
鄭國鴻	九一六	托明阿	九九五	宋慶	一〇八六
向榮	九一七	駱秉章	九九八	胡光墉	一〇八九
江忠源	九二六	宜文	一〇〇四	奕訢	一〇九〇
李續賓	九三一	翁同書	一〇〇八	孫開華	一〇九一
周天爵	九三六	袁甲二 <small>姪保慶</small>	一〇一四	馬玉崑	一〇九四
胡林翼	九四三	張亮基	一〇二五	馬如龍	一〇九五
烏蘭泰	九五〇	勝保	一〇二九	郝長慶	一〇〇〇
徐有壬	九五二	會國藩	一〇三六	袁保恆	一〇〇一
常大淳	九五三	勞崇光	一〇四七	都興阿	一〇〇四
張國樑	九五五	程學啟	一〇五三	張曜	一〇〇九
都隆阿	九六二	瑞麟	一〇五六	郭松林	一一一五
琦善	九六二	劉松山	一〇五九	李世忠	一一二〇
舒興阿	九七〇	劉蓉	一〇六三	陳國瑞	一一二三
鄒鳴鶴	九七四	蔣益澧	一〇六六	趙景賢	一一二七
塔齊布	九七七	王德榜	一〇七〇	黃翼升	一一三一
僧格林沁	九八〇	左寶貴	一〇七二	會國荃	一一三八
羅澤南	九八八	江長貴	一〇七五	馮子材	一一四二

陶 模	良 弼	耿精忠
裕 祿	趙爾豐	年羹堯
楊岳斌 <small>即楊載福</small>	水師	岳鍾琪
雷正綰	施 琅	桂 林
雷以誠	姚啟聖	張廣泗
榮 祿	李長庚	常 青
壽 山	陳化成	福康安
鄭國魁	吳長慶	百 齡
劉銘傳	彭玉麟	阿 桂
劉秉璋	丁汝昌	孫士毅
劉長佑	邊務	鄂 輝
劉 典	孔有德	玉 麟
劉永福	姜 瓖	那彥成
歐陽利晃	孫可望	林則徐
鮑 超	耿仲明	耆 英
賽尙阿	吳三桂	明 亮
聶士成	尙可喜	裕 謙
嚴樹森	尙之信	楊遇春
蕭孚泗	孫思克	布彥泰
一一四	一一六	一一八
一一五〇	一一七	一一九
一一五三	一一七	一二〇
一一六一	一一七	一二一
一一六四	一一三一	一二二
一一七〇	一一三五	一二三
一一七四	一一三七	一二四
一一七七	一一三〇	一二五
一一七八	一一三三	一二六
一一八一	一一四二	一二七
一一八四	邊務	一二八
一一八七	一二四三	一二九
一一九二	一二四六	一三〇
一一九三	一二四七	一三一
一一九六	一二四九	一三二
一二〇二	一二五一	一三三
一二〇七	一二五八	一三四
一二〇九	一二六一	一三五
一二一四	一二六六	一三六
		一三七
		一三八
		一三九
		一四〇

何璟……………一三八六

廷杰……………一三九二

楊昌濬……………一三九七

左宗棠……………一三九九

劉錦棠……………一四一三

錫良……………一四一九

實業

水利

于成龍……………一四二三

張玉書……………一四二五

靳輔……………一四二八

陳鵬年……………一四三六

張鵬翻……………一四三九

齊蘇勒……………一四四八

方觀承……………一四五〇

胡寶瑑……………一四五七

高斌……………一四六一

嵇璜……………一四六五

裘日修……………一四七二

劉統勳……………一四八一

嵇曾筠……………一四八七

陳鳳翔……………一四九一

劉台斗……………一四九五

孫玉庭……………一四九八

栗毓美……………一五〇四

蔣攸銘……………一五〇九

陸建瀛……………一五一六

交通

端方弟端銜……………一五二一

盛宣懷……………一五三二

學術

理學

呂留良……………一五二五

王夫之……………一五二六

彭士望……………一五二七

王宏撰……………一五二八

周夢顏……………一五二九

朱用純……………一五三一

沈昫……………一五三二

李顥……………一五三三

李柏……………一五三四

李因篤……………一五三四

孫奇逢子博雅……………一五三六

陳瑚……………一五三八

陸世儀……………一五三九

陸隴其……………一五四一

張履祥……………一五四四

應撝謙……………一五四六

顏元……………一五四七

李塈……………一五四九

釋通理……………一五五〇

全祖望……………一五五一

汪縉……………一五五二

羅有高……………一五五三

釋際醒……………一五五四

顧棟高……………一五五五

凌廷堪……………一五五六

程瑤田	王鴻緒	戴震	一五五七	一五八五	一六〇八
楊文會	孔廣森	丁杰	一五五八	一五八八	一六一〇
嚴復	任大椿	王鳴盛	一五五〇	一五八九	一六一一
朱次琦	戴望	金榜	一五六一	一五九〇	一六二二
夏震武	朱筠	紀昀	一五六三	一五九一	一六二二
樸學	江永	段玉裁	一五六三	一五九二	一六二五
毛奇齡	沈彤	孫星衍	一五六六	一五九四	一六一七
胡渭	杭世駿	桂馥	一五六七	一五九四	一六一九
徐乾學	周永年	張惠言	一五六八	一五九六	一六二〇
弟秉義	范家相	邵晉涵	一五六八	一五九六	一六二一
高士奇	秦蕙田	章學誠	一五七三	一五九七	一六二二
唐甄	莊存與	許宗彥	一五七五	一五九八	一六二四
張爾岐	黃丕烈	畢沅	一五七六	一六〇一	一六二五
黃宗羲	惠士奇	莊述祖	一五七六	一六〇二	一六二八
潘耒	惠棟	姚際恆	一五七八	一六〇三	一六二九
劉獻廷	萬斯大	崔述	一五七九	一六〇四	一六二九
錢澄之	萬斯同	彭元瑞	一五八一	一六〇五	一六三一
閻若璩	齊召南	焦循	一五八一	一六〇七	一六三四
顧炎武	盧文弨	臧庸	一五八三	一六〇八	一六三六
顧祖禹			一五八五		